

Addendum long Covid-19 Protokol blong Judisiari


1. Long taem nawia we wan big namba blong olgeta support staf blong kot oli test positive long covid-19 **OR** long taem we bae oli imposem wan shottfala period blong 24 haoa restriksen, hemia nao olgeta samting we hemi nesesari blong yumi mekem:

- Level Tri Plus: Dak Red Komuniti Transmisen wetem 24 haoa lokdaon or Kot I short long support staf

Olgeta samting blong mekem olsem response long level ia, inkudim olgeta samting long level wan, tu mo tri, hemi:

- Olgeta kes ia nomo bae Kot i dil wetem, tru long AVL o telefon- Bae i nogat man i kam long kot. Nao, kot i luk se olgeta kes ia nao oli stap olsem ol kes we bae hemi mas dil wetem kwiktaem:
 - Long Majistret Kot: faswan o kontinius riman, kes blong bail, ol Aplikesen blong domestic vaelens; mo
 - Long Suprim Kot: kes blong bail, sam apil folem ol desisen blong Majistret Kot wea fridom blong man hemi stap long kwestin mak, ol matromoniol kes we i kat kwestin blong kastodi mo/o akses blong pikinini, mo olgeta Aplikesen blong restrening oda we oli nidim kwicktaem.
- Ol Judisel Ofisa bae oli wok long haos blong olgeta nomo;
- Bae Kot i akseptem olgeta pepa we ol pati oli sendem long emel i go long address ia: vanuatucourts@gmail.com . Eni fi we wan man i nid blong pem bae oli jes pem afta we oli sendem emel.
- Doa blong Registri blong Suprim Kot bae hemi no open. Be Registri i still operet tru long telefon namba: 26715
- Folem Rule 18.3(2) blong Civil Procedure Rules, Registri blong Suprim Kot bae i rimen klos long olgeta kes we Kot i disaet se oli no nid blong dil wetem kwiktaem long taem we Kot I sot long support staf or long taem we bae i gat wan 24 haoa restriksen.
- Newfala regime ia hemi apply kasem taem wan new notice blong protocol bae I kam blong changem.

2. Addendum long Protokol ia bae i **stat long deit we oli saenem.**



Chief Jastis V. Lunabek
Deit long Port Vila long 21 dei blong Maj, 2022

